

**2022-2023 ուստարում ուսանողների և դասախոսների վերահանված խնդիրների և կարիքների
վերաբերյալ
ՀԱՇՎԵՏՎՈՒԹՅՈՒՆ**

27.10.23թ., տն. նիստ

2022-23 ուստարում ՄԿՈԱ բաժինը մասնաճյուղի ուսումնամեթոդական վարչության և ամբիոնների հետ համագործակցությամբ տարբեր մեխանիզմներով վեր է հանել դասախոսների և ուսանողների մի շարք խնդիրներ և կարիքներ: Ուսումնասիրության հիմնական մեխանիզմները եղել են հարցումները, որոշ դեպքերում նաև հանդիպում-քննարկումները: Խնդիրները հավաքագրվել են 2022-23 ուստարվա ընթացքում իրականացված շուրջ 11 տարբեր ուսումնասիրությունների արդյունքների հիման վրա: Նշեմ, որ 2023թ.-ի ապրիլ մայիս ամիսներին բաժինը հանդիպում է ունեցել գրեթե բոլոր կրթական ծրագրերի 1-ին կուրսի ուսանողների հետ և քննարկել գնահատման բազմագործոն համակարգի, մասնավորապես ինքնուրույն աշխատանքների իրականացման հետ կապված խնդիրները:

Քանի որ բաժինը 2023թ.-ի հունիսի հերթական տնօրենության նիստում ներկայացրել էր մինչ այդ հավաքագրված խնդիրների ու դրանց լուծույթների վերաբերյալ հաղորդագրություն, ապա այս զեկույցի մեջ ներառված են միայն բաժնի կողմից վերջին 6-7 ամիսների ընթացքում իրականացրած ուսումնասիրությունների արդյունքներից հավաքագրված խնդիրները, և ՈՒՄՎ-ի կողմից 2022-23 ուստարվա ընթացքում իրականացրած հետևյալ հարցումներից հավաքագրված խնդիրները.

- դասավանդման որակի և արդյունավետության վերաբերյալ 2 կիսամյակների հարցումներից,
- մասնաճյուղի պրակտիկանտ ուսանողների վերաբերյալ արտաքին շահակիցների կարծիքների ուսումնասիրության հարցումից,
- մասնաճյուղի շրջանավարտների վերաբերյալ արտաքին շահակիցների կարծիքների ուսումնասիրության հարցումից:

Բաժնում հավաքագրված խնդիրները խմբավորվել են ըստ մի քանի ուղղությունների և գործընթացների:

Կան բավականաչափ խնդիրներ, որոնք պարբերաբար նշվում են ուսանողների և դասախոսների կողմից, և դրանց տրված տարատեսակ լուծումները, այնուամենայնիվ, բավարար չեն և հետևաբար նորից բարձրաձայնվում են:

Օրինակ, հետազոտական աշխատանքների իրականացման ընթացքում հանդիպող խնդիրներ, որոնք ևս մեկ անգամ շեշտադրվել են.

- անհրաժեշտ մասնագիտական գրականության բացակայություն,
- տվյալների հավաքագրման դժվարություն և աղբյուրների ու նյութերի բացակայություն,
- խմբային իրականացվող աշխատանքներում ներգրավված ուսանողների ոչ հավասարաչափ աշխատանք և հետքորթվածություն աշխատանքի նկատմամբ, նաև նման աշխատանքների օբյեկտիվ գնահատման դժվարություն, կամ գնահատման չափանիշների ոչ հստակություն,
- ուսանողի և հետազոտական աշխատանքը ղեկավարող դասախոսի ոչ արդյունավետ համագործակցություն,
- թեմաների ոչ արդիականություն, դրանք ուսանողների կողմից ընտրելու հնարավորության բացակայություն (ԱԼԳ, Հոգեր., ֆինանսներ, ՀԼԳ, Դիզայն),

Նշեմ, որ այստեղ բավականաչափ նեղ մասնագիտական խնդիրներ ներկայացրել են «Հոգեբանություն» կրթական ծրագրի ուսանողները:

Այժմ ըստ ուղղությունների ներկայացված են վեր հանված մի քանի հիմնական խնդիրները:

1. Ուսումնառության և դասավանդման հետ կապված խնդիրներ.

- նկարչության տարբեր տեխնիկաների տիրապետելը, դրա համար ԿԱՖ-ի ուսանողները առաջարկում են անց կացնել վարպետաց դասեր, կազմակերպել մասնագիտական ճամբարներ,
- ԿԱՖ-ի սրահի թույլ համակարգիչները, դրանք հնարավորություն չեն տալիս արդի ծրագրերն արդյունավետ օգտագործել դասերի ժամանակ,
- ուսանողների օբյեկտիվ և թափանցիկ գնահատումը, առաջարկում են իրականացնել հանձնաժողովով, կամ այլ մասնագետների ներգրավմամբ (ԿԱՖ, ՏԳՖ, շրջանավարտներ),
- օնլայն դասերի ոչ արդյունավետությունը՝ չլինեն,
- ավարտական աշխատանքների **թեմաների ոչ արդիականությունը և կիրառելիությունը** (նշել են ամփոփիչ ատեստավորման հանձնաժողովների նախագահները),
- անընդհատ կարդացվող դասախոսությունները, նշում են, որ դրանք ձանձրալի են, ծանր են և հոգնեցող, կամ նույն դասախոսին անընդհատ լսելը դժվար է,
- ԱԼԳ, ՖԼԳ, ՌԼԳ կրթական ծրագրերի ուսանողների մոտ խոսակցականի անբավարար մակարդակը, առաջարկում են ուշադրություն դարձնել խոսակցականին, ոչ միայն քերականությանը, իսկ մնացած կրթական ծրագրերում օտար լեզուների իմացության ցածր մակարդակ,
- դասախոսները լինեն խստապահանջ, նաև լինեն հարգալից ուսանողների նկատմամբ:

2. Անհրաժեշտ ռեսուրսների և միջոցների հետ կապված խնդիրներ

- շենքային պայմանները (ԲԳՖ և ԿԱՖ), մասնավորապես՝ մասնաշենքի տանիքի խնդիրը,
- լսարանների անբավարար քանակը (ՀԳՖ և ՏԳՖ, շրջանավարտներ),
- սպորտդահլիճում գույքի և անհրաժեշտ պարագաների պակասություն,
- ԿԱՖ-ում անհրաժեշտ սարքավորումների պակաս, արդուկները սարքին չեն, կարի մեքենաները չեն բավարարում,
- մասնաշենքերի ջեռուցումը:

3. Պրակտիկանտների մասնագիտական գիտելիքների, հմտությունների և կարողությունների հետ կապված խնդիրներ, որոնք նշել են արտաքին շահակիցները.

- **մանկավարժական պրակտիկաների** դեպքում խնդիրներ կապված ուսանողների կողմից ժամանակակից տեղեկատվական տեխնոլոգիաների կիրառման, դասավանդման ժամանակակից մեթոդների իմացության և կիրառման, ինքնակրթության և նոր գիտելիքների ձեռք բերելու անբավարար ձգտման, դպրոցական դասագրքերի իմացության հետ,

- **օտար լեզուներ** ուսանողների դեպքում խնդիրներ կապված գրագետ խոսելու կարողության, տարբեր բնագավառներին վերաբերող նյութերի թարգմանության դժվարությունների հետ,
- **ֆինանսներ** կրթական ծրագրի ուսանողների դեպքում խնդիրներ կապված հաղորդակցական հմտությունների, հաշվապահական հաշվառումից գիտելիքների պակասի, բանկային օրենքներին տիրապետելու, տվյալների հետ աշխատելու կարողությունների հետ:

4. Շրջանավարտների մասնագիտական և մարդկային որակների հետ կապված խնդիրներ, որոնց մասին նշել են արտաքին շահակիցները (27 շահակից)

Ընդգծված նկատվում է անբավարարվածություն մեր շրջանավարտների հետևյալ որակներից (ի տարբերություն նախորդ տարիների).

- մասնագիտական գիտելիքների պակաս (գիտելիքներն ընդհանրական են՝ 5-ը),
- գործնական հմտությունների պակաս,
- տեղեկտվական տեխնոլոգիաների թույլ տիրապետում (4-ը),
- ընդհանուր ցածր զարգացվածություն, հաղորդակցվելու կարողությունների և մասնագիտական խոսքի ցածր մակարդակ (8-ը):

5. Գնահատման բազմագործոն համակարգի հետ կապված խնդիրներ, որոնք նշել են 1-ին կուրսեցիները

Գնահատման նոր **բազմագործոն համակարգում** գնահատման բաղադրիչների և դրանց արդյունավետության վերաբերյալ իրենց դժգոհությունն են հայտնել միայն «Հայոց լեզու և գրականություն» կրթական ծրագրի ուսանողները: Նրանք գտնում են, որ.

1. Գնահատման տարբեր բաղադրիչների կիրառությունն ավելի շատ ծանրաբեռնում է ուսանողին, բավականին ժամանակատար են, չեն խթանում ուսանողին, արդյունավետ չեն ընթացիկ քննություններով առարկաների համար,
2. Ոչ բոլոր դեպքերում է բաղադրիչների կիրառությունը արդյունավետ, քանի որ հանձնարարվող առաջադրանքները պահանջում են ավելին, քան իրենց ձեռք բերած գիտելիքներն են,
3. տարբեր բաղադրիչների համար գնահատման մեթոդները և ձևերը ճիշտ չեն ընտրված: Իսկ **ինքնուրույն աշխատանքների** իրականացման և գնահատման հետ կապված նշել են.
 - շատ են տրվող ինքնուրույն աշխատանքները, նրանք կրում են ձևական բնույթ, հանդիսանում են միջոց միավոր վաստակելու համար,
 - ինքնուրույն աշխատանքներն ավելորդ են և ժամանակատար, անհրաժեշտ են ոչ բոլոր առարկաների դեպքում, կարելի է կատարել միայն եզրափակիչ գնահատումով մասնագիտական առարկաներից,
 - բավարարված չեն ինքնուրույն աշխատանքների համար ստացած գնահատականներից, աշխատանքը լիարժեք չի գնահատվում, գնահատականները երբեմն չեն համապատասխանում կատարված աշխատանքին:

Այստեղ «Պատմություն» կրթական ծրագրի ուսանողները ավելորդ են համարում տեսանյութերի ներկայացման տարբերակը:

6. Դասախոսների և ուսումնաօժանդակ անձնակազմի խնդիրներ

- սանիտարահիգիենիկ վիճակը,

- ջերմաստիճանային պայմանները,
- հյուրանոցում դասախոսներին տրամադրվող սենյակները մաքրելու համար փոշեկուլների անհրաժեշտություն, բարեկարգել, վերանորոգել հյուրանոցը, ուժեղացնել ինտերնետ կապը,
- դասախոսի աշխատավարձը,
- լրացուցիչ աշխատանքի խրախուսում,
- վերանայել մագիստրատուրայի հետ կապված զեղչերը,
- բնագիտական ուղղվածությամբ բացել նոր կրթական ծրագիր:

Հավաքագրված խնդիրները բաժինը ուղարկում է համապատասխան ստորաբաժանումներին՝ դրանք քննարկելու և հնարավոր լուծումներ տալու համար:

Մասնագիտական կրթության որակի ապահովման բաժին